



VOL. X. NO. 10.

MAY 15, 1907.

50 cents a year.

Published Monthly. at St. Michaels. Fort Totten. P. O. N. Dakota.

ENTERED AS SECOND CLASS MATTER AT THE POST-OFFICE AT FORT TOTTON. N. DAK.

OWANCAYA WOTANIN.

Montreal, Canada ekta April 18, hehan wojaja tipi wan. Canada Steam Laundry ile na winyan 20 on oihankepi.

Devil's Lake otowahe el Sinasapa tipiwakan wanji lila waste hea kagapi kta on wana Valdmarr Gram he kagin kta woyowiwikiye qupi. P. A. Deplaces el oitananyan skan kte. Mazaska (\$30,000.00) kektopawinge wikcemna yamni kipiya on kagapi kte. Tohanl yustanpi kin North Dakota el ihankeya waste hee wanji heca kta.

St. Paul ekta April 27, hehan lila wa hinhe. Woyupi kta on lila iwicayuka kije hee qeyas wa kin he nakuns lila wacinyanpi.

Waterloos, Ill, ekta April 20, heehan woyu wicasa wan Christian Wirth ti el hinhanl hee wamanon wicasa nom timahel iyayapi canke kitta hiyayin na sukpan oksupi ikikeu na wamanon wicasa kin awicapaha najin canke tokel hanpi okihihi sni. Apaha nawicajin kin he icunhan tawicu kin hayake kicin. Tawicu kin ha kiton iglustan he on hiyu na isehan mazakan kin icu na apaha nawicajin. Wica kin ha kiton iglustan na hehanl mazakan kin icu na wamanon wicasa kin nonpin pasi awicayin na owicakaske ekta wawoyuspa kin wicakai canke iwicacupi na owicakaske el patimahel iyewicayapi.

Chihuahua Mexico ekta April 21, heehan wanapopye okage wan el canli ohu wan ileya canowinja el ihpeya ca on tipi kin ile na wokage tipi kin ataya hugnagapi, \$300,000.00 kipi atakuni sni.

Bismarck, N. D. ekta hehan Wawoyuspa Itancancan he, Murray, Yatke sni okolakiciye wicasa wan kici makatipi wan ekta canpagmiyanpi top kipiya miniwakan qeya oyuspa na ihinhanni yuotaninpi. Tuwa hena tawa kin taku on ihangyapi kte sni kin he ikigni kta.

"Mazaska Tanni Kin."

Washington, April 25, Tunkasilayapi el Wikigni woyaco etanhan le yustanpi. Lakota oyate qeya Sisseton na Wahpetonpi kin hena Tunkasilayapi eciyatanhan oicazo wicakiciyuha qeya etanhan tona ehake akab iyaya heci hepa wicakicupi kte na heon etanhan \$788,971 henakeca wicakicupi kta.

Hekta 1851 hehan Tunkasilayapi kin lena Lakota kin ob wookiye kage na on makoce qeya on waniyetu 50 hehanyan omaka otoiyohe \$73,000 henake Lakota kin wicacupi kte. Tuka wookiye kagapi kin le ecetu sni. Lena Lakota onge Minnesota el 1862—waniyetu akewanji ohakam, wasicun ibangwicayapi.

Le "mazaska tanni kin" wakiya wicasa kuwapi na Lakota kin ehake \$2,000,000 wicakicupi kta kuwapi. Ins Tunkasilayapi iyawa eciyatan ehake \$300,000 henala kicayankapi keya.

Yunkan hena Lakota kin wicakicupi kta Tunkasilayapi Wikigni Woyaco el lila kuwapi.

Mazaska Tanni oikigni kin he hekta July 23, 1851 hehan Tunkasilayapi Sisseton—Wahpetonwan Wookiye kagapi na on etanhan Lakota kin waniyetu 50 hehanyan omaka otoiyohe Tunkasilayapi kin \$305,000 wicakicicaju na \$73,600 wokpamni kta. Canke le woyustan kin waniyetu akewanji hehanyan ahopeye heci ogna econpi. 1863 hehanyan le ecel gluecetupi. Le omaka ikokam Minnesota el wasicun na woyuha ota Lakota kin lena onge ihangyapi.

Canke 1863 hehan Tunkasilayapi Tawakiye kin lecel ohanpi kin heon wookiye woyustan kin hena wana Lakota glusnapi yustanpi. Eya hececa qeyas ohakam lena Lakota etanhanpi ca ake snasna Tunkasilayapi owicakiye.

Yunkan June 21, 1906 Tunkasilayapi Wikigni Woyaco etanhan le mazaska qeya Lakota kin lena wicakikpamni kta tka qon hena tona ehake akam iyaya heci hena tona Wasicun kize sni kin hena wicakicupi kta iyowajapi yustanpi, na isanpa Tunkasilayapi maka awanyake kin he Lakota kin hena mazaska wicakicu kta wowaake qu. Tka mazaska tona awicayusote kin he iyawa

heyab egnakin na tona akam iyaye kin wicakicu kta.

Ho hece iyawapi yunkan el ake mazaska \$788,971 henakeca on Lakota qeya tona Wasicun kize sni lehan nipi kin hena ecana wicakicupi kta.

Brockett, N. Dakota ekta April 24, hehan. woyu wicasa wan, Jacob Pon-turi tawowasi kici aguyapi su otowahe ekta aya, unkan aguyapi su kin cansko-kpa oxala ayapi canke tokeske han na otowahe ekta ihunni qeyas ta ihunni. Tawowasi kin tokaheya ya, canke ableze sni. Brockett he miniwakan ote iciya na aguyapi su kin mahetakiya oqa ayin na ecel oniya sni iciyin na te.

Lead, S. D. Hesapa ekta April 22, hehan mazaska ooqe Homestake Mine he ile kin he kasnapi kte heci kuwapi qeyas ecaca okihihi sni—wi wanji hehanyan wana ile. Lehanl aminitanyapi kta. Le iyokihini sni echantans sam ile ayin hankeya Hesapa ataya ihangyin kta ikokipapi.

St. Paul ekta April 18, wawoyuspa kin, John Gunderson oyuspa yunkan taku on iyaunpapi na oyuspa qon he aslalyela iyokawinhi oglake. Ti ekta nahanheci istinmahan taa yunaji kiyapi na agliyakupi. Northern Express Company el woyapi kaga wan Fred Zimmerman eciyapi kin he mazakan apaha najin na mazaska \$20,000.00 henakeca manon. Lena yuha on sni tka tuktel na hme kin eekcel oglake canke mazaska kin eekcel gliyo ipi. Le ikokam taku ni slolye sni tka itomni canke kagi sni oglake.

Connecticut ekta koskalaka wan taku icihmijan waecon canke wayaco kin ikokam aipi. Koskalaka kin tanyan woyaco ecakiconpi cinpi on titakuye kin iyuha icaqoyela ai. Aiapi kte cin ikokam lila wicota wanaon ipi. Wicotapi laka sni hmunse woglakapi na wayaco iyowicaki sni na canzeka heye: "Ake tuwa le nakapi kin wanayahonpi sni on inila nakapi sni kin wancak tankal iyaye ciyapi kta." Kakel eyastan qeyas ko-

skalaka ho tankaya heye. "Wayaco, lila tanyan ehe lo." Canke wayaco kin heya. Wawoyuspa kin he wicakiye. "Ti-we ca heya heci tankal yusiya po." canke wawoyuspa ecel econni. Hehanl wayaco kin heye. Ho, wana koska wan yacopi kte cin lel mikokam aupo wawoyuspa." Tka wawoyuspa kin heyapi: "Incin tokel han pica sni. heecas tankal yus iyaye onyasipi ca kigle."

St. Louis ekta, April 19 hehan wicahcala wan John Bundren, waniyetu 101 henakeca ihunni. Ieunhan winohcala wan Miss Rosa Mc Guire waniyetu 100. Yunkan lenaos tecapi ke cun hehan, wastekicilapi na kiciyuzapi cinpi tka winyan kin hunkakepi kin wicalapi sni, canke nonpin ecel kan hihunni. Wicahcala kin lila tanyan wayuha canke ake kan ekta piya winohcala kin okiya yunkan wicakicila na on Aug. 26, hehanl kiciyuzapi kta glaotaninpi. Wicahcala kin pahaskaska nakun putinbin skaska. Le wicahcala kin tohanl ya-tke sni na canonpe sni.

Chippewa Falls, Wis. ekta April 24, hehan Joseph Stoeth otowahe el napepe wicaye: tokecinyan mazakan uta on. Wanagi ota lila nagiyeyapi na hena wanyang wicaci keyin na on ena na itoheheya mazakan uta. Le wicasa kin isnala makoskanl ti qeyas wanagi kin lila najin yapi keya oglake. Iyuha wicakte qeyas ehake wanagi itaccan kin kte sni qeyas kte kta keya. Isnala ti na ounye kin heon leceheci okinas tawacin kuwapi kecinpi.

Oklahoma City, O. T. ekta April 30, hehan wakpa nom ogna lila minih iyaya canke oyate kin ticocola napapi. Tiwane 40 henake paha wan akanl ona kijinpi. Lila woyuha ata ihangye na nahanheci lila minitan.

Lakota, N. D. etu na Bartlett, N. D. he el April 15, hehan Great Northern hemani wan luzahemazaskanskan oape wanji canna maka iyutapi 40 hehanyan iyanke, yunkan kaptayin na lila oyokisiliya wicasa ota oihankepi. Toketu tanin sni akes wicota ni iyayapi.

SINASAPA WOCEKIYE TAEYANPAH.
REV. JEROME HUNT, O. S. B.
PUBLISHER and PROPRIETOR.
PORT TOTTEN. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

MAY 15, 1907.

ROSEBUD,

White Thunder Creek, S. D.

St. Joseph okolakiciye oitancanpi.
George Zintkalamaza itancan na wo-
cekiye na lowan tawa. John Wa-
nacankagi iyokihe. Edward Strange
Horse wowapi kaga. David Heha-
kawanbli iapi awanyaka. Joseph
Garneaux mazaska awanyaka. Fred
Anpetu-cigala wiyokine yuna. John
Rotten-pumpkin, George Menard,
Walter Goodshield. Peter Badhand,
ogliglepi.

St. Mary Omnicieye Oitancanpi.

Mary Menard itancan.

Mary E. Beauvais iyokihe.

Winnie Wnacankagi wowapi kaga.

Emma Menard mazaska awanyaka.

Alphonsa Crazy Hawk wamnye.

Amy Beauvais iapi awanyaka.

Helen Garneaux wokagege awanyaka.

Mary Goggle Eyes tiyopa awanyaka.

Lucy Goggle Eyes wiyokine yuna.

Elizabeth Black Horse na Makaaya-

tewin, Susie Strike na Nellie Good

Sniield, ogliglepi.

Eya le okolakiciye okaſpe kin lel
onpi tka tohanni iglaotaniſi ſni, tka
lehantu kin onawicayaſonpi kta wa-
cin. Ho yunkan lecel awacanmi.
Unkiſnala le omnicieye kin hukuci-
yela unqunpi awacanmi. Taku ſni
ſni wawiyutan on hececa. Ho tka
icin tuwa hena ableze ehantans taku
iyutan kte eſas naſiſin kta okinpi
ca walake wowicala yuna ehantans,
na wocekiye cola wawiyutan kin
itkob najinpi kte cin lila teſnke sele-
ceca. Ho miſ hecel awacin wocekiye
onſpemiſiſiye icin taku wicohan
ikeya un naſi ni onkiſiyapi kte cin
wanice; wocekiye el taku tona Wa-
kantanka econ onſipi hecinhan hena
ecel econqonpi ehantans hena e e.

Wana tuwa wocekiye opa na taku
woiconze qon hena econpi na heon
iwaſaniſilapi selececa wanaſ hecel
kapi, caſ ecel ecamon, miniamaka-
ſtanpi, wowaltani owaglake sa, yu-
tapiwakan, yusutapi wakan na wa-
kankiciyuzapi hena ecamon na wa-
na henala caſ ecamon, hena on nimi-
ſiyin kta iyecel ecamon caſ heon
omnicieye qel ble ſni qeſas toka ſni,
eyapi inſ awacinpi yuke, tka hena

hecel awacinpi kte cin teſnke
walake. Eya nakun tuwa woſiconze
iyuſa econ qeſas wocekiye el ye ſni
ehantans, on tohanni niſiſiya okinpi
ſni. Icanl e eſ hena waſonapi iye-
ceca walake. Eya keſ tona wana
tanyan oyakaniſigapi qon hena wico-
tawacin hececa el aſiſi kte cin oya-
ſin patan yuſ yaonpi kte cin ee ne-
cetn; tase ne lena iwawikutepi wico-
iye neca ſni tka onſna taku neca
el onkupi kte cin heon kohan iwakta
unkiſiyapi kte cin ne hecetn.

Eyanpaha iyacupi na yawa yaſlu-
ſtanpi can tola wowapi yawapi ob-
ſepi ſni kin hena wicayakiſawapi
ni ecanmin.

GEORGE ZINTKALAMAZA.

CROW CREEK, S. D. April 30, 1907.
Eyanpaha:

Decana April 23, he ed Jo-
ſeph qa Suſie Short Bear cincapi te.
Koſka kin de Sinasapa heca. onkan
deced wicincana wan waſte kitapi.
Heon cantemaſica, onkan wakanheja
wan te cin de hunkake kin nina iſted
mayanpi qa cante maſice cin iſanpa
nina cante ſid mayanpi. Ito wakanheja
kin de deced yuhapi qa awanyakapi.
Wakanheja kin de ooncage tokeca qa
wakanheja kin de deced akipa kta e
nina taninyan wanka. Canke atkuku
qa hunku kin nina tehindapi qa ceye
kte cin he cinkiyapi ſni; qa heced wo-
yute ſkuskuya eca ayuhapi, canhanpi
ſaſa qaiſ taku ſkuya obe kin ohinni yud
kiyapi, qa dena iyuſa tepya can he-
hand canhanpi ſka bduyake cega ciqana
ohna qupi can mazkiſka on yud omani
qa ſiyute akahpe tawa kin ed okigna-
kapi can yud omani; deced ota miye
iyatayena wanbdaka. Onkan taku kin
de kokipapi waſte kecanmi, qa wakan-
heja kin de heca on ta kecanmi. Toka
e wakanheja kin hena woyute ſkuya
qa canhanpi ſaſa on icagapi okihipi ſni
tka hececa e iyotan kiya wakanheja
iwicakiſnapi. Ho wocekiye kin de eſ
wakanheja kin onſpewicayakiyapi kin-
han iyeſ he iwatepi qa zaniyan ica-
gapi okihipi ecanmi. To taku kin de
abdeſapi qa niſinca yukanpi kin
hena iyuta po. Wakanheja kin taku
ſkuye cin kokiſe wicakiyapi qa e wo-
cekiye kin econkapi ſni onſpewica-
kiya po. Qa itokeſapi kin abdeſa po.

Ho hehand taku on iſted mayanpi
ce epe cin de e. Koſka kin de Sina-
ſapa qa koſka St. Joſeph okodakiciye
ed itancan okihe heca. Onkan oyanka
kin ded omnicieye yuke ca nakon wa-
wokiya yukan qa de wakanheja kin he
hapi kta iyeece cin dena eepi tka de
ed etonwe ſni e cankoka ahdipi qa
hecehnana. Skaon owacekiye eka aipi
qa Skaon waſicu wakan wan he kiyapi.
Ho ſinasapa cinca wan Skaon hapi kin
de nina atewaye cin iſted maye ca
wakanheja wan ta e cantemaſice cin
iſanpa nina icanteſid mayanpi. Wico-
han decceca hena on Sinasapa kin ozin
hekta hdapi he iyeececa.

ANTHONY LAST BEAR.

Standing Rock, Madbear's Camp.
St. Edward's Church.
Eyanpaha kin:

Okahimi omnicieye wan
Mad Bear's Camp el econqonpi kin
omnicieye kin lila onciſqabila. Hece-
ca tka St. Joſeph na St. Mary okola-
kiciye wan onyuhapi na lena itan-
canpi.

Mary Ruffina Mad Bear itancan.
Jennie Cleymore okine. Mary Rose
Ashes wowapi kaga. Scholastica
Calf mazaska awanyaka. Martina
Cleymore wiyokine yuna. Mary
Rose Ashes lowan itancan. Louisa
Tunkansapewin wokagege awanyaka.
Josephine Cimpwin wayazanka
awanyaka. Margaret Anpaoninape
win wohan itancan. Annie Unpa-
lutawin tiyopa awanyaka. Susan
Martin na Martina Cleymore wigli-
glapi.

Wikoſke wan waſte. Susan Martin
unkitapi. Wocekiye ehanſican ye-
kſuyapi wacin.

MARY ROSE ASHES.

Cannon Ball, N. Dak.

Dear Eyanpaha:

Oyate kin letu nainſ
tuktetu keſa heyapi ece: Wakanki-
ciyuzapi waglujuju e eyapi ece, he
token yujuju okini, on heyapi huwo
miye ecanmi, na he awacin waſon.
onkan lecel iyewaye. Tuwena Wa-
kantanka oie qa Towasake kin yuju-
ju okini ſni. Otokane eka Wakan-
tanka Adam wakanyan kage na akeſ
winyan wan wowasagya kage na wi-
caſa kin el kai, na heciyatanhan
iwanonyakapi kinnan onſpa onkoka-
hniſigapi kta iyeececa. Tona Wakan-
tanka Towakan na Towoope ecen
econpi ſni hena nakun wakankici-
yuzapi yujujupi kin teſnke ſni ya-
wapi; he tona neyapi hena woaltani
na taku ſce cin ohimaye eyapi,
Pharisee kin Jesus wiwangapi qehan
lecel eya: Tuwe otokane eka wi-
cakage cin he wica winyan ahna wi-
cakage cin he tohina lawapi ſni heon
Wakantanka taku yuokiwanjila kin
he ignnhan wicaſa kiyuſpe cinhan
tona wakankiciyuzapi yujujupi keſ
cinpi kin he na Palos Wakantanka
oie anapte ſkan tka qon he iyecen
econpi qa nakon Saul Wakantanka
anaſoptan ſni, onkan itokeca kin he-
na ableſapi iyeececa, na Paulus heya
woope eciyatanhan winohinca kin
hingnaku nion nehanyan hingnaku
toope kin onkaſkapi na tohan te
cinhan wana hingnaku toope kin
etanhan kiyuſkapi, hecel wicohan de
tona econpi kin hena woaltani tanka
econpi kecanmi. Ho eya ito mita-
kuyepi, maka owancaya St. Joſeph

yaonpi kin el eontonwanpi kta iye-
ceca. St. Joſeph owancaya yaonpi
kin owasin niſtinmapi selececa. To
le onkableſapi waſteke.

JOSEPH LITTLE CHIEF.

FT. YATES, N. D. April 21, 1907.

Dear Eyanpaha:

Omaka waſte ake onyu-
hapi, ontancanpi zaniyan ungluhapi kin
he tokaheya piwakila na ibluſkin na he-
on tiſiwakan el wocon wakan ecamon,
na mitakuye tapi kin wicaweſkuye na
hena niſ nakun ecanonpi kta waſte. Wi-
cotawacin ayableſapi qeſas he inwaſte-
pi kte ſni. Omaka teca piya iyotapo;
na wicaſawakan kin hena wicakiyapo,
na wicaſa qeſa tawacin waſakapi ſni
ilukcanpi ehantans hena wocekiye on
wicakiſuyapo.

Miniwakan woyatke kin he iwicawaſte
ſni heon wicohan ſice icaga. au, ohinni
heon okolakiciye he icagin kta oncinpi
kta iyecetu. Ableſapi! Wicoiye wiſice
hece ſni eſ ayableſapi ca ſihanſe le wi-
caſa ableſapi kte kin heca hektab eton
wanpi na tokata etowanpo; tokaſa iye-
yapi kte. Wicaſa zaniyan on yunkan
igluſnakiſnyan cin na miniwakan ya-
tkan na hecel lila iſiſiſa iye kin na ie-
na wocon heca ſni na tiſiwakan wocon
wakan qon le tukte unma waſte huwo?
Mitakuyepi, miniwakan yatke ſni oya-
papi hantans eſ tohan yanipi kin he-
hanyan opapo; tohanyan yanipi kte kin
iſoloyakiyapi ſni kin heon wi ſakpe iſi-
conzapi qon hena iyotan taku ſni, ewa-
kihunni kin ake blatkin kte eyapi se
wicotawacin ecanmi.

P. H. WALKER.

ST. FRANCIS MISSION, S. D.

May 1, 1907.

Sinasapa Taeyanpaha;

Sinasapa okola-
kiciye Lakota tamakoce egna yatke
ſni omnicieye opapi kin on wowakta
wicoiye wanjiſgi epa wacin. Tuwe
wanji miniwakan on waſya can tona
heca yatke sa qon hena lila aqoyapi
ece; tka tona yatke ſni omnicieye
opapi can ceſkikan wan on wapetog
iſitonpi ece. Heon iſolowicayapi kta
ca, yunkan le on wicaſa tuweceſa
miniwakan yatke sa qon hena wan-
yakapi kin on awicayukanpi kta na
inſ eya econ utapi kta na tona le he-
heca opapi kin inſ iciwankiciyakapi
kin on iwaſakapi kta. Sinasapa opa
(Catholic Christians) tona owotani
heci yuonihanyan opapi cinpi hece cin
hena epi ca yatke ſni opapi ca tanin.
Ikaſ Sinasapa opa kin eepi kayiſ
tona yatke ſni opa ſni kin he wanji
yatkeſa wan ceſkikan koyaka wan-
yaka can cetunglaſe oie kiton ece;
tka tona heceſapi kin eſeſ ſanpa iyo-
wiconpa ſtakapi na cewiconkiciyapi
kta iyeececa. "Miniſa kin he waiha-
ha na miniwakan kin he owoluton
wicaya ece. Proverbs 20: 1." "Wi-
caſayatapi cincapi kin miniwakan
cinpi kta iyeececa ſni. Prov. 31: 4."
Miniwakan kin he okolakiciye tawo-
konze kin ahoſe ſni onyanpi na na-
kun eſ eſ gluſna onyanpi na eſ eſ
Wakantanka Tawokonze tona wakan-
yan koonyakapi qon hena heyab iye-

onyanpi na miniwakan kin oñins eongnakapi na tohan onnipi kin hehanyan ayuñtanpi ca ñni keoncinpi ece; yunkan, "Wakantanka mitawa nicate atayeñci on wañteyalakin kta ce;" woop tokeya na tanka kin hee. Yunkan heyaab eongnakapi na miniwakan ee onkicantepi atayeñci on wañteonlakapi kta keoncinpi ece. Yunkan he wokokipe ñni he? Taku onyanpi wanji ksap wacin keñ iyoona ñtakapi ca iñang iñiya, tñktektel itomni ñica naiñ ipawehweh oñan can tokanl iñapi kte aowehannan onkoyakapi ece. Na ake econ kta ca iyoona ñtakapi ece; yunkan he "Nikiyela ti kin niye iyecel wañteyalakin kta ce;" woop inonpa tanka kin heyaab eongnakapi na miniwakan kin ee onkiyepi iyecel wañteonlakapi ece. Yunkan he wokokipe ñni he? Iyotan St. Joseph na St. Mary okolakiye kin tona wakankiciyuzapi el onpi kin tohanl wakankiciyuzapi el onpi can St. Joseph na St. Mary iyecel oñan ognas onspeonkiyapi kta. Hoksicala teñilapi kin he iyecel Jesus, Itancan onkitawapi e e ñica akicañka onyuzapi na towañte kin onkiyepi el on ece. Yunkan nakun miniwakan on onyusicapi ece; wakankiciyuzapi nomb onpi keñ wicañka kin wawatkan can iyecana tawicu kin econkiya ece, can winyan kiniyotanñ wakapaya econ ece, na eceñ woañtani woñte kin wañakayela ñcin oyasin el igloi ece. Can hehanyan taku iñilapi ñni na zaniyan onpi keñ ohinnian wiyakionpa ece onpi, na ake tohanl yatkanpi can okiciyapi ece na eñ eñ hankeya nonpin ikan agiustanpi can cincapi kin wablenica wan atukukupi hunku ko ñapi kin iyecel teñiya onpi ece.

yunkan miniwakan kin he tokel cajeonyatapi kta he?

Miniwakan kin "Wakankiciyuzapi iyusice kin," onkeyapi kta iyecaca. Hehanl tona koñkalakapi hena iyotan wañakayela ñcin wayaka wicayusa ece: Yunkan hena ota Sinasapa okolakiye el wayapi, na Wakantanka Tawokonze ognaye ñcin icagapi kta, ca priest na winyan wakan iyotiyekiya stustelya onspewicakiyapi qon tohanl etanhan heyaab glicupi heyaab egna-kapi na oñtan wicañka wan ciqala ñica ehantan wowañ eon aicah iñiyin na tanka can bliñeca ñice cin he iyecel. Ciqala ehantan ñakye ñcin miniwakan kiconyanpi kta ca wancak igni ñkanpi ece; yunkan woop tokeya na tanka kin kicaksapi ñni he!

Miniwakan kuwapi kta ca otakuya agna wacuguka iñicicagapi ece, wowañ econ ñni e otuya onpi kta cinpi ece; itakuye wahokonkiyapi kin anagoptan ñni; yunkan he iñiyela ti

kin iye iyecel wañtelake? Hiya, le eciyatan woop inonpa na tanka kin kionkaksapi ece. Yunkan he wokokipe ñni he?

Lena on St. Jos. na St. Mary omni-ciye iyuhunke ñni na wicañkawakan iksap wiconyanpi na winyan wakan winstute wiconyanpi. Tka mitakuye, wiconi kin he oncinpi ñice cin ee ñka heoncecapi. Lakañ wicañka wan ni on kin he taku wañte kin he cin ñica ece; yunkan taku wañte ñica maka akan oncinpi kin he Sinasapa oonpapi kin he e. Lakañ Jesus Christ, Itancan onyanpi kin, Iye towañte on iyooyam onyanpi kta ca St. Joseph na St. Mary tohanpi ope on ñi. Yunkan onkitawacinpi kin he cin ñice kta ontancanpi kin ee itankal on kta he. Heon etanhan hecel onqonpi ehantanñ tipiwakan tiyoña kin ognas timabetakiya iñce eyokasin na onjinpi kin he iyecaca. Yunkan tancan ataya tin onkiyayapi ece kin he iyecel onkoñanpi ko ataye ñcin on Sinasapa oonpapi ca onkiyutatinpi kin he ongluwicakapi kta. Yunkan he lecetu: tohanl miniaonkañtanpi kta ca heñ ito tokañheya tanyehcin on speonkiyeciye na woañtani egna onkicagapi kin hena on maka akan kaska onqonpi kin hena oncante ñil onkiyeciye na iñheonyanpi kta onkiyeciye na tokata tohan onnipi kin hehanyan okolakiye tawokonze kin heñ wicaculapi kta, keonkiyapi Heon Priest kin Jesus Christ onkiyepi on cankaicicaya el akagañ okatanpi qon he caje, ñin on woañtani oyasin onkiciktepi na wicoowotania el teca ontonpi ca cankaicicaya kin heon wapetog ontonpi na oniya onñipi; yunkan mitakuyepi, le taku ciqala kin keoncinpi kta he? Hiya, maka akan taku wañte oncinpi ñica iyotan kin he ece. Ho tka ake tohan ni na taku iñceka wan awaoncinpi onkeyapi, egongonpi. (1. woañtani awaoncinpi, 2. onkiyeciye, 3. econqonpi ece.) Ho tokeya anaonkiyapi ñni iyonakab isanpa wanji teñi ñniyan el onkaipi ece; hena on sanpa wanji tanka, iyotan wicañka ñni el onkaipi ece; na pamakal iñheonyanpi keñ oñakoya Priest el onkiyeciye ñni eñ eñ hehanyan taku taniñ ñni kin onkiyeciye. (Prewaliyanpi ca kahli se niskotanka oicicaye wacin ñni wawiksap onyanpi na koban pala ece wakuwa eonkeya hanpi.)

St. Joseph na St. Mary omni-ciye wiconyantañka hanpi ece, tona heoncecapi kin hena wokoonkiyepi ñni he? Hiya, tka tohanl Priest, atewiconyanpi kin wanwiconyakapi cana cante waonkiyapi he woañtani oglak onñipi na igluhomni onñipi cin heon ahoñe wiconyanpi ece. Icin taku

ñica ocin ñice ñica wan tanmabel onqonpi kin heon heoncecapi. Ho tka inihan ñni nonpa naiñ yamni eceñ onñ laya heya yunka can hehanl tebleze ñni se onñkanpi keñ hankeya atanse te se tawacin onkiyotankapi can hehan nakeñ cante onñicapi ece. Yunkan Itancan onyanpi Jesus Christ tohonwinl wakanñica wicañka yunkañkinyan cin hena etan tankata glicupi wicañka canna hececapi keyapi. Muihuna owapi wakan el onyawañpi qon. Ho yunkan heon woañtani oglak onyanpi ca tokeya woañtani oyasin tanye ñci onkpaspi kta na oyasin ñcin ablesyel cin onkoglakapi kta, na oncante ñil onkiyeciye kta; na tokatakiya econqonpi kta ñni onkiyeciye na kta, hececa kin Priest (Sinasapa) onsilaya woañtani koonkipapi kta cin on iwanokononkiyapi na tohanwinl onkiyepi on cankaicicaya akan okatanpi qon Jesus Christ caje kin on woañtani oyasin onkiyeciye na kta. Na hetan tokatakiya iye towañte kin on wakanyan ni onqonpi kta ca iye tancan kin tohanwinl onkiyepi on wicacupi qon he e ñica yutapi wakan el (Sinasapa) priest icu onkiyapi kta hecel onkiyepi el on kta na onkiñ iyecel onqonpi kta; na eol tohanl onñipi kin mañpiya eka Atukuku ti ñni el oyunke wan yuwinyaya eonkiyeciye kin heciya wiconi owihauke wanica tona ope wicakitonpi kin tawapi kta iwanowicaye on, heciya iye kici pilaye ñcin onqonpi kta. Yunkan le taku wañte wan oncinpi ñcin ee.

LABAN J. WHITE. (SUNKSKA.)

Wayawaoti Okiyapi Kin.

Fort Yates, Pahayamni, N. D.

April 27, 1907.

Thomas Whitmouse	\$ 25
Celina	" "
John	" "
Joseph	" "
Mary	" "
Josephine	" "
Virginia	" "
Michael	" "
Lucilla	" "
James Iron Bolder	" "
Emma	" "
Louis Omani	" "
Benj. Gilland	" "
Charley Walking Cloud	" "
Chas. D. Ramsey	" "
Frances Ramsey	" "
Elizabeth	" "
Barney Oyenakbeza	" "
Maggie	" "
Joseph	" "
Albert Blackbear	" "
Paul Harry Chin	" "
Mark Cetankokipapi	" "
Mary	" "
James Hehakabizi	" "
Pahindutawin	" "
Bede Miniaku	" "
Mary	" "

Harry Fool Bull	25
Fred Redfox	25
Annie	25
Paul	10
Paul Goodiron	25
Chas Dogskin	25
Henry Murphy	15
Makapeta	25
Mary Walker	25
Annie Walker	25
Agnes	25
Billie Goodiron	50
Bob Waiking Cloud	20
William Eagleman	25
James Horrigan	25
W. Richardson	25
Bernard Iron Shield	25
George Prethy Prethy	25
John Traokasin	50
Hashell Santee	50
Henry Wakanyuha	25
Billie Redfox	25
Katie Whitehorn	25
Philip One Hawk	25
Alton One Hawk	25
Emelda	25
Annie	25
J. W. Murphy	50
Atateyamani	25
Kokamwoñica	35
Samuel Goudreau	25
Teddy	25
Leo	25
L. E. Osgood	25
Rose Pierre	25
Joseph Bringsthem	25
Francis Bullhead	25
Edward Sana	25

Ho eya dena wicohan wañte econpi kin on tanyan ecamon kta wacin qa dena wana wicañkawakan onkitawapi waqu qa hen Rev. W. H. Ketcham Washington en yanke cin yekiye kta. Ho eya St. Joseph qa St. Mary omni-ciye wan om waon kin tanyan de en etonwanpi qa on dehan wicohan tanka wan en tanyan ihduñtanpi kin heon tona den opapikin Rev. Father Ketcham wayawañte wicacu nin, qa tokatakiya wicohan hececa kin hena en cante wasteya zaniyan skinciyapi kta e Wakantanka okihi wicaya nin.

THOMAS WHITMOUSE.

CHEYENNE AGENCY, S. D.

April 24, 1907.

Le wi 15, na 16. Holiwoju wicañka iyuna omni-ciye yubapi na teñel yuñtanpi.

Sapa wicañka (Utes) makocce maka oñpe 88160 (acres) omaka zaptan hehanyan owicacupi kta. Omaka wanjiñca maka oñpe wanji eca (1 acre) mazañsa topa sam mazañsa kangikagapi owicacupi kta. Tokata July wi kin hehanl Sapa wicañka inpi kta.

WAKANKICIYUZAPI.

April 19, Henry Fielder na Elsie Pearman.
April 23, Henry Yellow Thigh na Alice Gronnd Dog.

J. VOGEL.

MINIAWICAKASTANPI.

Fort Totten.

April 4, Alek March 23 tonpi, Edward Minihota qa Celina Yunanape-win cincapi.

April 7, Eva Maria, Feb. 16 tonpi, John Lohnes qa Bessie Matowanjina cunwintkupi.

April 15, Cora, Maria, March 10. tonpi, Stanislaus Merriek qa Agnes Wanbdiahewin cunwintkupi.

April 15, Mary, January 29. tonpi, Charles Green qa Mary Ann Langer cunwintkupi.

April 16, George, Sept. 24. 1906 tonpi, Henry Two Bears qa Esther Anpetukahunzewin cincapi.

April 28, Moses, August 26. 1905 tonpi, Peter Makato qa Helen Hinasdowin cincapi.

April 28, Catharine, April 25, 1907 tonpi, Simon Court qa Harriet Provincial cunwintkupi.

May 5, Mary Louisa, Jan. 10, 1907, tonpi, Joseph Tawapahawaste qa Emma Ihawanyakapi cunwintkupi.

WICATA.

Crow Hill.

Annie Brown waniyetu 10.

MAZASKA AWANYAKA
WANJIDAN.

ST. MICHAEL'S, APRIL 21, 1907,

St. Mary okodakiciye	\$ 5.00
Tunkanwakana	1.25
Wasuicasnamani	.50
Tatankapa	1.00
Zuzuheca	.35
Napewastewin	.50
Tiyoptewin	.25
Ignatius Court	1.00
Moses Hinbansapa	1.00
Joseph Maschi	.25
Anthony Lohnes	.50
Raymond Higheagle	1.00
Mary Jane Higneagle	1.00
Mazakanomni	.25
Gabriel Mead	1.00
Suna Waanatan	.50
Lucy Mead	1.00
Joseph Two Hearts	1.00
	17.35

Paha Yamni Etanhan.

Charley Dog-skin	\$1 20
William " "	1 20
Charley Ramsey	1 20
Paul Hairy-chin	1 20
Bede Miniaku	1 25
Louis Omani	1 20
Willie Redfox	1 20
Philip One Hawk	1 20
Fred Redfox	1 00
Cokaiyanka	60
Thomas White Mouse	50

Katie Whitehorse	30
Peter Pierre	40
Frances Rmsey	20
Elizabeth Ramsey	20
William Sinte	25
Ben Goodwood	10
Barney Oyenakbeza	10
Joseph Kangiwicasakte	10
Maggie Wacante	05
Emma Ohitiwin	20
Mary Tawipate	15

Hekta

Ataya

FATHER JEROME. O. S. B.

Standing Rock Agency.

Paha yamni, N. Dak. April 27, '07.

Dear Eyanpaha;

Ho dena ake dehan hdajuju kin on nina cante mawaste, na on iyepi nakun icante waste iciyapi kin heon ito taku wanji epin kta wacin. Eya omniciye tanka en taku yustanpi kin hena ecen econ onwaciupi kta iyecetu wada. Mazaska awanyaka kin hen token woopu yustanpi kin ecen tohan kinhan ecanonpi kte cin ha tohan kta huwo?

Inyanbosdata en okodakiciye yamni onpi kin wanji iyotan St. Joseph tawomnaye on mazaska awanyaka wanjina owoyakiyapi na tohantu kinhan St. Joseph wicasa otioyohi wi wanji can 10cts. yakajujupi kte cin he tohan ecanonpi kta he nakun decen ibdukcan. Omniciye tanka en mazaska awanyaka wanjina kin wosukiye kicagapi kin tiyata onhdipi kin hehan hena ake onkiye oncinpi ecen woyustan wanjigji onkagapi oncinpi naceca kecanmi, qa hece wanawabon tka hecetu sni. Toksa tuwa hecon cin kinhan 1907 en omniciye tanka kinhan hehan hecon wacin kinhan omniciye en wowiwange kangin kta kecanmi.

St. Joseph omniciye wan Pahayamni en om waon kin hena omniciye en taku yustanpi kin tohinni akinicapi sni on ohinni taku econpi owasin tanyan iyopteyapi qa omniciye Inyanbosdata ihankeya ciqana kin hebe e wicasa wakan tawapi, taku eye cin ecen ohinni econpi; heon tanyan yapi kin wanbdake.

Wicohan tanka qa waste qeya hekta omniciye tanka en dustanpi qa dehan wicasa tona ohna iyotiyekiye htanipi kin tonkin hena Wakantanka owicakiyin qa isanpa bdihen wicaya ni ecanmi, qa hena wicohan waste wan yuwakan ayapi kin eciyatan ontuwepi keša wocekiye en wicunkiksuyapi waste ke. Wicasa wan wicoksape wan tohan wan katuya yuha esa yuha owanjina najin kinhan, takuni on waste kaga okihi sni kin he wicasa owasin tanyan wandakapi, heon wicasa wacinye pica wan wicoksape wan i kin etanhan hiyuye ca hehan i yohdate wicoskinciye qeya yanke cin hena ecen econ wacin skinciye cinhan taku waste kin ataya econ okihi sni esa hanke econ kinhan, hohe oyate wacinyepi ca kin kpazo ecee.

THOMAS WHITEMOUSE.

Paha Yamni Etanhan Eyanpaha kin Opetonpi; owasin 50cts. hdajujupi. Charley Dogskin, Katie Whitehorse, Lucy Walker, Alice Ironomahawk, Joseph Bringwater, Louis Omani, Willie Redfox, Mark Afraid of hawk, Joseph Eaglemann, Thomas Whitemouse.

THOS WHITEMOUSE.

ŚINASAPA WOCEKIYE WO-
ŚNAPI (MASS) KIN.

Concluded.

Hehanl iyokiheya wošnap i wocon kin he minisa na aguyapi kin he Wakantanka yawašte na yuwakan kta on wicasawakan kin he ayopteya wocon yuha kin etanhan na Itancan Tawocekiye kin wicasa wakan kin on cekiye kin hehanyan. Le el minisa, aguyapi na taku tona Wakantanka etkiya wokiksuya on waqupi kin hena kapi. Tuwa titakuye nipi na is tpi on taku ke esa wocekiye womnaye etkiya egnakapi kte kin he kapi. Wicasawakan kin wocekiye wan le icuhan eye kin he maka etannan taku tona Wakantanka ikokam Tawounšila cekiya kin hena nawicakicilion kta icekiye. Nakun iyotan taku kapi kin he Itancan ehake hitayetu owote wan Tawanoš iye ob wote qon hee. Minisa kin wicasawakan kin icu na iyonakam nape pinkpa gluja kin ne wowahitani cola, sape sniyan Wakantanka etkiya cekiya kte kin hee. Śinasapa wicasawakan kin oyate kin on wošnap i ewicakicilon on tukte ogna oyate tawocekiye kin Wakantanka nawicakicilion iyecelya ahopeye hci waecon.

Hehanl wocekiye wan wicasa wakan kin eye na inšlowanpi aniyayapi kin (Preface) Jesus kakijin kte kin he ikokam Atkuku wopila ekiya on wacekiye kin hee.

Hehanl iyokiheya wocon kin he (Canon) woopu on wokiksuye kin he e. Anpetu iyohi wošnap i el wocon woopu kin he wokiksuye kagapi. Wocekiye on le wošnap i kin he icunhan Pope he e nanan Archbishop inš Bishop makokašpe el yuhapi kin hena ob otanwanjila se taku Wakan Wanjila wocekiye qupi kin he kiksuyapi. Śinasapa Tawocekiye kin taku tona wocon yuha kin hena tohanni yutokeca ayapi sni ohinni hecetu wanjica ecee ogna iyopte. Hehanl aguyapi na minisa yuwakan na Jesus Christ tancan na tawe kagapi kin hee. Aguyapi kin he tokahaya wicasawakan kin icu nahan zaptan akigle akanl cankaiciyuya iyute na Wakantanka Cinnintku taokihe ob hitayetu wota wan el wicois ewicakkiye kin hena eca wicasa wakan kin eye. Le hecon na

wankatakiya itoheya yuze. Ake minisa iyatke kin icu na iyecel yuwakan. Wana le hecon kin he aguyapi na minisa qon hena Wakantanka Cinnintku tancan na tawe kage. Wošnap i wakan wocon kin le ihankeya wakan hca wocon kin e. Heon he icunhan wocekiye e on Wakantanka etkiya taku oncinpi on iceunkiyapi kin onkokihipi kiyapi kte.

Le iyokiheya wocon kin he wicasta wokiksuye wocekiye kin hee. Tona tpi na wocekiye on wocekiye wicunkiksuyapi kta iyecetu kin hena le icunhan wacewicunkiciciyapi kte—na tona nahan hci ni onqonpi kin hena wiconte wan etkiya onyanpi kin unkiysuyapi na unkawacinpi kte na on Wakantanka iceonkiyapi kte. Wicasawakan kin oyate on le el wicasta wokiksuye on wacekiye.

Hehanl iyokiheya wocon kin he Yutapiwakan icupi kta ikokam igluwinneyapi kin hee. Le icunhan Itancan Tawocekiye kin Śinasapa wicasawakan kin eye na nakun tona Śinasapa kin hena nakun le wocekiye wasake hci kin he eyapi, "Anpetu otioyohi aguyapi kin anpetu le onqupo" wocekiye kin unglutaninpi kte, na akes "Taku šice kin etanhan heyab onkikikeupo," he wicowowahwala Wakantanka onkilapi. Hehanl Śinasapa kin aguyapi wakan kin yuksaksa na onspa minisa eka iyohipeve. Itancan Taokiy e ob hitayetu wote qon hehan aguyapi yuksaksa na Taokiy e wicakikpamni na yute wicasi kin he ayopteya hecon. Hehanl wocekiye wan Wakantanka Cinnintku kin he (Wakantanka Talicašunkala Tawa) maka owancaya wowahitani qeya ewicaglakau kin ne cekiya. Le inunni na wana Yutapiwakan icu. Le ikokam "Jesus el mayau kta iye. macece sni" he Śinasapa kin eya, na yamni akigle eya icunhan hlahila kahlap i. Wana tuwa le icunhan Yutapiwakan icu kta cin ehantans wicasa wakan e nains tuwa okiye kin wowahitani oglakapi woiyopeyeiciye kin ekiciyapi. Śinasapa kin igluhomni na wicayawašte na tuwa wan Yutapi wakan icu kte cin he wowahitani oglake qon he Wakantanka unšila na akiciktonjin kta cekiciciye. Le hecon na hehanl hukul hi na Yutapi wakan wicakikpamni.

Le hecon na hehanl Yutapiwakan icupi on wopila wocekiye kin Śinasapa kin eye. Le igluštan na hehanl "Wošnap i kin inunni on kiblecahanpi kta" wocekiye kin eye—na ehake hci St. John Tawotanin waste kin yawa. Tka le ohinni on wošnap i oihnniyanpi sni tuktektel wotanin tokeca wanjigji yawapi.)hunnipi on Wakantanka wopila ekiyapi.

SUPPLEMENT TO THE 'EYANPAHA.

MAY 15, 1907.

ST. IGNATIUS,

St. Ignatius, Antioch el Bishop heca na St. John taošpaye kin etanhan. Tohan Domitian owacekiye kte kta cin qonhan St. Ignatius taoyatela qon hena tanyan unpi kta cin wicakiye on lila wacewicakiciyiyin na ins akilhaniciya. Ka hehan ins iye kin Jesus tantanhan un kakijin kta ciniciya, na he sutaya tawacin on lecel gluwicaka. Omaka 107 nehan Antioch el Trajan (wicasayatapi) hi na wocekiye opapi qon hena, lecel iglahniŋ wicaye: "Wocekiye ne ayuštampi ehantans nipi kta, nains ayuštampi šni ehantans, wicaktepi kta," keya.

Wana Ignatius oyuspapi na Trajan itokab aipi. Yunkan Trajan heya. "Wakansica unšika, nituwe ca le taku unkeyapi kin taku yala šni nuwo?" eya. Yunkan Ignatius ayuštapi na heya: "Tuwe Wakantanka cante ogna unhe, wakansica unšika, ignu šni yo! eya.

Wana Ignatius taku ke on neon wicaša itancan kin wiyunga.

Ignatius lecel okañniŋyiyin kte on eya. "Christ cankaiciŋya el te kin ne unkiyepi hecon ce na ne micante el awašpañloka ce eya.

Heon etanhan wicaša itancan kin heya: "Ignatius Rome el ayapi na igmutanka watogla ktepi kta ce eya."

Ignatius nakihon han lila iyuškin se Wakantanka wopila ekiya, yuoninhan heon. Wana mazaiciyokine eya St. Paul on qon hena koyakyapi na Rome etkiya akicita paši ayapi. ka takuni kokiye šni. taku wanji la ikoiciye un he le wanka wicaktepi on he. Wakantanka wicakicijaju kta qon he gnuñi kta atayaš cin šni.

Wana heceš Rome el aipi na igmutanka eya ktepi na takuni oyaptapi šni, honu conala ecelaš oyaptapi.

Hohu hena eyaš Antioch otonwane el gnakapi, na obakab piya Rome el St. Clement wocekiye tipi el egna-kapi. omaka 637 nehan.

Wakan ktepi kin le ktepi na iyonakab wocekiye opapi un he tonakel St. Ignatius Christ itokab najin na wacewicakiciya wanglakapi.

Wiconi wašte wan le naonhonpi kin le etan lecel onkablezapi kta iyececa. Tohan taku tehi onkakipapi kte ešaš St. Ignatius ceunki-yapi kin Wakantanka towašake unqupi taku eyaš el Wanikiya kiksuya na iyuškinyan unškanpi kte.

ST. BATHILDES

January 30.

St. Bathildes, tunkašilayapi tawicu heca, na Mila-hanska oyate heca winyan, nahanñei wakanheja enan France, Wašicun Ikceka makoce heciya aipi na wayaka kaŋya lila wiš nukuciyela wiyopeyapi. Wicasayatapi wan, Clovis II eciyapi. ti kin el itancan wan "Erkenwald" eciyapi ca opeton. Wana tohan sam tanka icaŋ aye kin itancan tawaya kin lila heci iyokipiya. Tanyan škan na ins tawicohan wašte kin on. Heceš tipi tawa qon ataya awahyang kiyapi. Hankeya France makoce ataya. tawacin wašte kin otanin. na King Clovis II, eciyapi kin, kici un kta on ien. Le wicohan wan wakta ke šni aglihecin un wankatuya icila la ins wañaniciya šni ka ešaš sam iglunukui la. Na taku on wañpanica owicakiyiyin kte qon yugahan un wañpanica kin inayanpi.

Wicasayatapi qon tawowašake yu-ne qon on owacekiye tawa nakicijin, na wañpanica kin awanwicayake. ins wocekiye el wicohan hena nakicijin.

Tohan hingnaku te qonhan wana oyate ataya unciyapi. Heceš wancak wocekiye opapi kiwicayusepi qun nataka; na tokel wowašake tawa qon un wocekiye patitan na France makoce qon ataya ckuje tipi na ins wocekiye tipi ojuva. Cinca wan. Clotaire eciyapi ca he oyate iyang wicakiyiyin kta waniyetu iyena ihumni qonhan iye heřab ičicku na cinca kin el okištān na iye winyan wakan on eca wan el opa, na maka akanl wowiyutan kin ektonje selececa. Iwankab unpi qon nena tanyan awawicagoptan, na wicokuje kin lila wicewicakiya na owicakiya. Wana oinanke tawa kin kiyela qonhan Wakantanka wicokuje tehi wan agliheya ka wocekiye opa kin on canlwašteya ape na January 30. 680, nehan wocekiye tanyelici eyin na naŋi kin wicakicu.

Wiconi wašte wan le oyakapi kin le etan lecel onkablezapi kta iyececa.

Taku iyuha econqonpi ešaš taku wanji la onkiksuyapi kta; Wakantanka ena tawacin tawa kin ištā onkita-wapi kin itokab hin kta, na iyokipiye waoncinpi.

JOHN KOLHOFF.

Pine Ridge, S. D.

Pine Ridge, S. Dak.

Mitakolapi:

Hihanni na ins hanhepi ko wocekiye eya ecamon sa la Wakantanka taku eye qon hena cin tuwa sloiye wacin canna šna taku onspe. Canke hena iyuha sloiwaye. Wotapi itokab na iyonakab wacekiya po; cin Wakantanka wicawala canke hena sloiwaye. Wakantanka wamayake šni ehapi na kecannipi on etan šna nañmala taku šica ecanonpi sa. Wakantanka yukan ca tuwe ke eyaš sloiye. Kicipaezepi šni po; he šice ca sloiyayapi. Wakantanka yukan lepe sa, na ongnaneñci nisiya yukan se wacanmi. Hecel tanmahel Wakantanka yukan se wacanmi.

Oyasin wacekiye lapi na wiconi onma owinanke wanice kte kin oniciye wacinpo!

PAUL STANDING SOLDIER.

Waniyetu 11.

OAK CREEK, S. DAK.

March 21, 1907.

Eyanpaha kin;

March 21, anpetu kin el koška wašte wan, Joseph Cleymore te. March 26, anpetu kin lila osni, hececa qe yaš wicañapi econpi. Lila wicota heci, 127 nenakecapi. St. Joseph na St. Mary etanhan 18. Hececa qe yaš koška titakuye kin woyuonin ecawicakiconpi; cantešicapi tka wicakiconpi, wolkiyapi.

Wol ayuštampi nehan wicaša nom woglakapi.

Keska te cin le awicakehan wowicala yuna. Titakuye iyuha šnaska opapi tka hececa qe yaš šnasapa ho-ksila nehan miniakastan na wocekiye qel toke heci škan šni tka na wana wiconte kicinantu kin nehan šnasapa mmakastanpi qon he ognayan tanyelici iwaštela wiconte wašte ognayan te. Heon St. Joseph piunkilapi. Canna tona Eyanpaha lawapi kin wocekiye nitawa el yeksuyapi kta awacanmi.

Joseph Cleymore, \$35.00 tipi wakan qel wošnapa Father Bede ecakicon kta qu, na Father Bede iye \$5.00 okiyapi, hecetu; na omuciyeye kin ins ptewaniyanpi wanji, tañca-šunkala nom, šunkakan yamni pi na nehan mazaska \$10.00 on okiyapi.

St. Joseph omuciyeye itancanpi.

Hugn Tateomani itancan.

William Cadotte iŋokine.

Benedict Apapi wowapi kaŋa.

Ben Cadotte mazaska awanyanka.

George wowapi yuha mani.

Martin iapi awanyaka.

James Tokakte na Aloysius Cetan-wakan wayazanka awanyankapi.

Peter Heñaka Howašte tiyopa awan.

Louis Tašunkešica, Martin Heñaka

Hotanka na Ištamazatanka wakpa-mni pi.

St. Mary okolakiciye oitancanpi.

Tašunkeskawin itancan.

Oyuñpewin okine.

Lizzie wowapi kaŋa.

Hinzigieškawin mazaska awanyanka.

Mary wowapi yuha mani.

Wisogin wokaŋe-ge awanyanka.

Sitomniwaštewin, na H. Cadotte wayazanka awanyankapi.

Šinakiyewin tiyopa awanyanka.

Iyataninwin, wainnaya.

LOUIS CROSS.

Pine Ridge, Holy Rosary Mission, S. Dak. April 8, 1907.

Eyanpaha;

Tohanyan owakini ke cin iyenanyan wocekiye qel waškan, wocekiye kin micante on wicake wacanmi, lakaš wokajuju cola wowaš ecamon; wawokiye waon na nakun wicaša wakan. Hinñaniciqala, anpetu wan el mahi. toka wakle šni, eya. Canpagnigma kin qin napin na kawehwegya; otokašni. Cantešice šni yo; tokeša wanji bluha, epe. Nakun winyan mitawa kin kici tokel onkokihipi kin wicaša wakan kin owiconkiyapi woyuha on. Hecel onnagipi ni kta cin onkiyapi; na oyate kin niš hecel ecanonpi kin wašte na oyatepi etan owicawakiyake. Eya wicanagi ni kta kuwapi kin lila wawowakiye; yunkan lehanl taku wanji aiblezapi na he mitakolapi hecetu šni. Tuktet tuwa ta canna taku wanji ciqala ca el ayapi cinpi na akeš tuwa wañpanica ca cinca ta canna tuweni el ayapi cinpi šni. He hecetu šni; woowotanla on wocekiye opa wacan-nipi kte. Miye kin le taku heca kin ota on wicajuju cola ecamon na hehanl St. Joseph el micaje tokeca kte. Tunkašila wana lila hunke šni, waniyetu 98, wana makata kiyunkin kta lila ikanyela. Hetanhan on caje kin telyahan yuha mni kta cin ca ecamon.

PAUL WAPAHASA.

FORT YATES, N. Dak.
April 8, 1907.

Eyanpaha;
Omniciye kin el lena oonkiyapi.
John Ironroad \$5.00
James Bullhead 5.00
Andrew Ironroad 5.00
John Brought Plenty 3.00
Louisa Pleets 5.00
Ho hehanl lena ins Omniciye Tanka kte cin el oonkiyapi.
Cecilia Ironroad, ptewaniyanpi 1
Edward Lean Elk " " 1
John Brought Pienty " " 1
James Blue Mouth " " 1
James Bullhead " " 2
Jas Blue Mouth sunkakan 1
Kuwapi kukuse 1
Cecilia Ironroad " 1
Herbert Keeps the Eagle taspanmni kagapi koka 2
Ellen Keeps the Eagle " " 2
Kuwapi owinja 5
Cecilia Ironroad hanpa etanhan 5
Agnes Ironroad box crackers 5
Kuwapi \$5.00

Tona Eyanpaha lawapi na sinasapa oyapapi kin nitawacinpi kin he ohinni awanglaka po, he ecanonpi kinhan wocekiye na ohan nitawapi kin he tuweni apiye kte sni, na iwanyanke kte sni, he econqonpi kinhan nagt ni onkiciyapi na wiconi onma kin el woiyuskin na taku waste na wocante waste eceela slolonjanpi kta. Mitakuye onsinimalapi na le awacinpi tonas iyotan waonhtanipi sa kin hena.

J. H. BUFFALOBOY.

Rosebud Agency, S. Dak
Mitakuyepi;

Le omaka kin el ake wana winyan omniciye econqonpi el oitanan waun sa tka tohinni wamiye-cilaotanin sni tka to eya Jan. 1, 1900 nehantanhan uciyapi waun. Ohinni-yan Wakantanka wacinwaye cin on waciniwošake suiyan wokagege unskanpi na tipiwakan wan lila tanka owanyank waste hea unglepi, Utahu Wakpa el opaya he cin he wake. Na eya wicaša wan tiwahe tanka wan wana el tiwahe ataya el hpayapi; lecala Feb. 11, Oakiye Ciqala ta. Le wicaša tawicu na cunwintku na cinca ko, owas el hpayapi na on sinasapa kinihanyan skan kin heca.

Ho leca isa wicašawakan he i canna eceela Inyanšaša el omniciye econqonpi sa. Wana waniyetu ota omniciye unyuhapi sa na wawokiya ins wocekiye eya isa unniciapi; canke oyokisil yakel unqunpi. Ho Utahu Wakpala el winyan omniciye onqonpi Wakantanka wowaši ecanonkiconpi lakas inšeya icanl waste wanji wowašte oyohpayapi na ins oonyakiyayapi sa. Ho cante wasteya nape ciyuzapi.

MARY J. ISNALAMANIWIN.

ST. FRANCIS MISSION, S. DAK.
Sinasapa Eyanpaha kin;

" Mitakola tona wocekiye opa kin taku wanji on nitawacin wasakapi kte olepi kte cin iye-yapi kta huwo?
Yunkan leceheci woawacin gluha waon. Tohanl wicaša tawacin on wasake sni amayan canna mitawacin ki wacinwakiye sni tka Yutapiwakan Jesus tancan kin tipiwakan el yanke cin he wacin waye; incin tuwa he yute cin tin kte sni keyapi, heon tohanl wicotawacin wanji tin kte cin ohanakoya tipiwakan el ye cin hel Wakantanka ni un kin hel yanke ca cekiye cin ake wasakin kta na omniciye el i kin tawacin tokeca qon wanglak kin kta, na ogiakin kta hecel tokeheci wicala qon wicaša slolyapi kta, na ins iye nakun kiksuye cin on ake omniciye el yin kta, na tokel anpetuwakan el wokiksuye on hi qon ake oglakin kta sam oye qon gluwicakim kta na nakun wiconi wan iwahoyapi qon awacin on kta. Ho tka anpetu wanji hci wowicaia qon iwo-glake cin miyoklasin on ite waklilake se eyapi qon heca selececa kta; incin anpetu wanji hci Wakantanka ojan-jan tawa wan on iyoyamye qon anpetu wanji el etnwe iakaš tokel wicala qon oglake na el etonwe sni han-taš aiyoqpas iyaye econ wakansica tawokiye wan el u na taku tona on wacin gnuuni con okiyake heceklala wacin gnuuni na wowicala tawa qon akibleze ni. Ho yunkan kici wicowehca wan wanyanka eyaš wištel kiye na taku tona on wiconi gnuuniye con ne e wanke, yunkan iyuskinyan kici woglake. Le taku epe cin maksapa on nepe sni, tka lena otahci cante el iyo-wahpaye cin on hepe, Taku tona on oyokipi kta tuwa omciyayapi kin hena on yannipi kta na nakun tuwa itancan yayapi eša iwankab niciyapi kta. Ho nebaul Easter time econhan wocekiye tona wicaša econ nicipi hena ecel onpi waste tka; ne econhan taku tona wawiyutan qon hena el yapi sni iye-ceca na wicašawakan anpetu tokei wocekiye yuhapi heci wicayeksuyapi kta na kakisya wowaši wiconyanpi na heon Easter time econhan lila wocekiye onkeyapinecanmi. Takuni sicaewicakiye sni; Easter econhan ob onkakijapi he lila waste kte na tawacin igluhukul onsiŋya onskanpi kte, hecel tawacin suta na waciniwošake sni wiconi onma ekta ob onyanpi kte.

LEO HAWKMAN.

Rosebud Agency, S. Dak.
Eyanpaha;

Hekta omaka 1900 hetanhan lehanyan okolakiciye nawecijin, yunkan lehanl lila wamašake sni selececa. Yunkan lecel awableze, woahtani ota

bluha kin heon sece ecanmi. Wana wi 6 ece wakanwowaglake sni ise Yutapiwakan iwacu sni kin on hemaceca secece.

Hekta Feb. 10, heehanl wicaša wan waste ongnonni, Mr. White Chief. Wocekiye nitawa el yeksuyapi kte waste. GEORGE SPOTTED ELK.

Standing Rock, Okahmi, N. Dak.
April 6, 1907.
Mitakolapi;

St. Joseph na St. Mary owancaya yaunpi kin taku wanji ungluŋtanpi kte. ca hena kohan wapaslakin kte, ca kohan iyukcan po. Wayawa Oti Tanka kin he hekta kin el wicaša wakan wan lila hci ksapa ca Lakota hoksila na wicincala na wasicun cinca ca wasicun koya waonspewicakiye na he wicaša wakan kin waniyetu tona-keca Lakota oyate ob on kin he oigluotanin ca nayahonpi. He wicasawakan unkitawapi kin onkayustanpi na kigla, unkan Inyanwoslanan oyate kin lila onceyapi na lila cante unsiŋapi na lila onkokihinyanpi na tokata on-yanpi kin wicasawakan wan waonsila na waokiye na wacantkiye cin benake onkakiktonjapi kte sni kin he hecetu tka iyotans wancakeš Inyanwoslanan makoco kin el ake ku kta unciŋpi na heongluŋtanpi kta wicasawakan kin he Inyanwoslanan oyate kin tewicalhila canke laka ins eya tehilapi. He St. Joseph na St. Mary maka owancaya yakotpi kin he ociciyayapi. He tokata wicacaje oyohpeonyanpi kte; he waktanpi!

Henan ake Wayawa Oti Tanka kin he cunkaške cokata tipiwakan kin he han ca tuwa keyaš slolyayapi; he cunkaške kin he tunkašilayapi owayawa tka tipiwakan kin cokata ne owekinaš tunkašilayapi opeton kte sece, ca heon Wayawa Oti Tanka el tipiwakan wanji cinpi ca he awannayanpi kta ungluŋtanpi. Ca he St. Joseph na St. Mary maka owancaya yaonpi kin ociciyayapi. Omniciye okašpe otoiyohila ounkiya po!

Joseph Cleymore Jr. te; tehan waya-zanke tka eya behanyan maka akanl ni un kta iyehanyan ni nn. Koškalaka kin le lila jica tka, tka taku yuha kin wanjini giuha ye sui. Titakuye owasin hci tawoyuha kin wicakikpamni. Titakuye eya le inihan sni un hanpi, unkan wicaša etanhan taku olota yuhapi koškalaka kin le ptegieska kin 700 akapeya yuha tka, sunkakan kin 100 kapeya mazaska cinca ton kiye. Ho hena titakuye tawapi te etanhan wayazanke cin behanyan taku kasotapi kin omniniye tokeca koya wicakupi mazaska \$262.00, ptegleska kin 6, sunkakan 10, taticasunkala 10.

Wana bloketu ehan unhipi; cante waste po; na wiyukcanpi wanji hci omniciye tanka el au wacinpo. LOUIS OKAH.

Little Eagle, S. Dak. April 15, 1907.
Mitakolapi;

Tuktel omniciye tanka kte kin hel tona St. Joseph omniciye opa kin okiciyin kte eya woyuŋtan wan yanke qon heon epe. Inyanša itokagatanhan omniciye tanka okiciyin kte ehapi qon he kola wana mazaska kin hiyomiciŋya po; omniciye tanka kte qon womnaye eciyatanhan ciqala bluha mazaska womnaye kin \$525.80 hehan yuš make; na ptewaniyanpi kin 30 hehan slolkiya manke; na wahpaye kin 220 hehan yuha manke; na canli yuwipi kin 3 el opa. July wiyawapi 12 omniciye tanka kta glustan winyeya hena yuha manke. St. Joseph okolakiciye oyapapi qon hena kola upiye; Inyanconkaškela el St. Joseph okolakiciye onpi kin lena woiake wicabluha kin lena epe.

Bobtail Bull omniciye itancan. Tahcahušte okihe. Muio wowapi kaga. Akešakowin mazaska awanyaka. Onyannapapi wapaha yuha. Zintkalaska iapi awanyaka. Village Center tiyopa awanyaka. Eugene Wahpatankaska Omniciye Tanka womnaye awanyaka. Wanbli Ohanko, Philip Akešakowin. Chas. One Feather, Harry Bobtail Bull, Matonapeska, Mike Gray Eagle, Joseph Brave Thunder, Eagle Boy, na Jas. Village Center, wigliglepi.

Womnaye kin nakun isam womnaye yuŋin tka hehanyan slolkiya manka ca heon nahonpo, na aguyapi saka opiye kin is iyawa pica sni yuha manke.

Nitakolapi

GEORGE TAHCANŠTE.

Kyle, Potato Creek, S. Dak.
St. Joseph na St. Mary okolakiciye lecala icage. Hekta Feb. 12, 1907, lena wana tokatakiya manipi kta on oitanan yuha wicakiyapi.

John Spotted Horse itancan. Henry Twist okihe. Albert Redhorn wowapi kaga. Chas. White Feather mazaska awanyaka. Joseph Morrison iapi awanyaka. Albert Redhorn wocekiye eye. Afraid of Left Hand wapaha yuha. Frank Horn Cloud na Pete Bald E. Bear wokuje awanyakapi. John Spotted Horse na Afraid of Left Hand wicahapi awanyakapi. Joseph Morrison, Chas. White Feather, ogliglepi, Antoine Red Horn tiyopa awanyaka.

Koška lena nakun yatke sni okolakiciye opapi. HENRY TWIST.

ST. MARY OKOLAKICIYE LECALA
LENA ICAGAPI ITANCANPI.

Jennie Spotted Horse itancan. Mary Redhorn okihe. Josephine Bald E. Bear wowapi kaga. Victoria Twist mazaska awanyaka. Esther Bald E. Bear iapi awanyaka. Josephine Bald E. Bear wocekiye eye. Jennie Spotted Horse na Clara Afraid of Left Hand, wicokuje awanyakapi. Jennie Spotted Horse na Clara Afraid of Left Hand, wokagege awanyakapi. Victoria Twist wapaha yuha. Ella Twist na Esther Bald E. Bear ogliglepi. Clara Afraid of Left Hand tiyopa awanyaka.

Lena lecala St. Mary omniciye yuhapi; hecel wocekiye on yeksuyapi kta wacin. ALBERT RED HORSE.